


5508/2440(4)

女士楚畹閣集

四



楚晚閣集卷七

常熟 季蘭韻 湘娟

古今體詩七

巳丑

歲朝春

昔年曾遇歲朝春隨宦湘江侍二親今又春逢元旦日

追思往事暗傷神

庚午歲朝春余年十八時隨家嚴宦楚北

二十年如夢一場悲歡離合味深嘗春來春去春依舊
只有雲鬟漸染霜

嬌兒促整五辛盤索寫宜春帖子看儂只心清拜蓮座

辨香低祝賜平安

蔣伯生大令屬題泰山玉女印軸

碧霞元君仙而神驅斥百怪朝羣真蔣侯舊作泰山令
一幅鈐來赤瓊印芝泥四角蟠紅雲壓倒人閒丹篆紋
定知童初仙館裏夜夜虹光燭天起

清明節因病不能掃墓口占二絕

春秋祭掃敢辭辛卧病偏逢百六辰還恐墓中人憶我
如何不作拜墳人

浮生萬古皆如寄我淚非因戀世揮只念孤兒未成立
怕聽杜宇喚人歸

暮春病中作

高樓聽雨暗嗟呀鎮日慊慊對碧紗孤燕伴諳愁况味
羣花同作淚生涯韶光可惜春將盡苦趣難禁病漸加
茗椀薰爐拋已久無聊強坐且塗鴉

今春以來頗行時疫心竊憂之小病深愁絕無
吟詠轉瞬又一葉落矣書四絕句

一春愁病苦無端已自華嚴小劫拌賴有慈航能普度
孱軀同竹報平安

琉璃硯匣久塵封書卷拋疎繡嬾工看到芙蕖開碧沼
苦心相對不言中

年來漸覺道心清
妄語無須著意聽
一事儘將長晝遣
梅檀香裏誦金經

偶望明蟾倚畫闌
桐飄金井露華團
從今熱惱都除卻
消受清涼世界寬

詠蟬寄墨香

千章古樹綠陰遮
中有蟬聲噪日斜
消受清風與清露
問誰骨相比高華

雙翅垂將鬢影輕
分明齊女曉妝成
閨中我有同心侶
願對雲鬟過一生

月夜有懷

秋夜無塵囂滿樓
皆月色簾櫳水漾清
俗慮淨如滌壁
閒懸素琴無絃理
自得案頭設古書
讀過苦追憶
藉此以解憂
頻年伴孤寂
一點別離情
只有姮娥識
羅袖怯新涼
倚闌愁默默
還聽蟲吟聲
如代余歎息

有感

浮雲不可掃
亂愁不可道
世事總隨緣
推遷出意表
憶我幼年時
有妹更嬌小
依依共妝臺
碧窗坐深窈
癡思我兩人
香閨伴終老
長大各于歸
竟夢蘭房繞
偶然一歸寧
遍認雪泥爪
花仍傍砌開
月自當軒皎
屈指三十年前情
皆了了
聚散固無憑
得失亦難保
閒觀梁上燕

猶戀舊巢好吾人豈無心爭不關懷抱知我同胞人一
樣怒如擣抽毫寫長吟淚落詩腸攪

秋日卽事

湘簾齊捲敞幽齋倦繡拋鍼步碧苔牆角花開如我伴
桐陰葉墮送秋來枯荷不剪供聽雨晚菊先栽備舉杯
只惜閨中知己隔一回惆悵一徘徊

陶孝女吟

孝女陶氏邑之北鄙人也父早卒家貧鮮兄
弟矢志不字以十指奉母道光九年春母疾
篤女籲於天願以身代後數日母死女卽自

縊母復甦疾亦尋愈信以爲孝感作詩記之

女子揚名多以節得以孝聞百中一爲母捐軀母更生
千秋奇行尤稱絕陶家有女璋其名椿庭早背無弟兄
高堂慈母鬢垂白晨昏非女難爲情女慕北宮嬰兒子
誓願隨親共生死雙蛾不掃代作男十指辛勤奉甘旨
梅標桃夭總不知慈烏穩傍女貞枝世閒戀祿忘親輩
應愧鬚眉讓女兒一朝母病愁無計默默焚香禱天帝
阿母如應鬼錄登孱軀請作替人替宵來萱草萎嚴霜
孝女哀哀哭斷腸急欲九原扶母去手持白練挂雕梁
至誠感格從來有天意竟容女代母才聞閨裏殞紅顏

楚叻閣集卷一
旋見堂前甦白首生死循環事合符或憐女死早須臾
儂言此實從其志母得重生爲女殂寄言母勿傷懷抱
萬事那如忠孝好佇候 朝廷綽楔恩孝女名垂後天
老

讀錢烈婦傳

烈婦姓史氏名月英字素亭陽湖縣興賢里
人父夢琦福建汀漳龍道烈婦幼字吾邑錢
方伯 受椿 次子廷蘭方伯坐事見法廷蘭戍
邊久之釋回乃贅於史婦事之甚謹廷蘭自
幼失學意氣疎縱且時時客遊婦以鍼黹自

給道光九年正月三日廷蘭卒於無錫訃至
婦屬其同居族弟曰吾死必以棺歸錢氏遂
不食三十二日卒年四十有四鄉人爲傳焉

未讀烈婦傳聞名心先傾把讀烈婦傳涕淚爲縱橫婦
名重如山婦命薄如葉早年夫戍邊幾誤鴛鴦牒廿六
賦于歸于歸苦無家良人爲飢驅浪迹遊天涯閨中耐
荼苦日夜當窗織十指以御貧容顏人罕識熒熒影相
弔悵望時心傷一朝訃音至慟絕摧肝腸結襦十九年
天桃不留子立孤雖有待殉夫亦何俟從容語阿弟吾
死無悲酸生未入錢門死必歸吾棺檢點身後事絕食

至逾月玉殞而珠沈仲春十三日婦死秉正氣非圖身
後名羣公好事者上達爲請旌旌烈不僅烈婦生有孝
行代兄盡子職烈婦兩兄相繼去世割肱療母病聰明復嫺雅著
有數卷詩不欲以詩名悉焚黃絹辭易簣之前卓卓女
中英千秋誇絕調已遂同穴心九泉定含笑庸庸錢氏
子何幸逢佳偶賴婦光門庭亦得名不朽

九月初三日隨家慈約同諸閨侶再登乾元

宮珽書不克偕往懷念之餘作詩記事卽以
代簡

去歲焚香遊古寺茫茫難料今年事全家無恙賴慈航
稽首重來三寶地人非太上可忘情密把丹誠向佛呈
堂上老親祈壽考膝前稚子乞聰明與君只願如修竹
日報平安無斷續香火前緣永此生雙修更種來生福
蓮臺禮罷覺心清曲徑通幽宛轉行玉磬聲中凡籟寂
珠旛影裏妙香生層樓縹緲紅塵隔山色湖光望無極
下方煙樹萬人家不知何處爲君宅女伴攜來共幾人
就中偏未得攜君劇憐此日龍華會不共拈花一笑春
君居山下我山上空復相思兩相望羅衣愁我怯秋風
遙知君又添惆悵夕陽西墜暮煙深新月如鉤挂遠林
太乙壇前伸舊禱梵王宮裏證初心星河耿耿雲嵐繞

欲數更籌蓮漏杳坐到參橫斗柄移空山卻有雞催曉
知君思我最情牽捱徹深宵不忍眠燈影昏昏人悄悄
較儂孤寂夜如年須臾曙色東方見萬道紅霞鋪作片
金鏡飛來若有聲惜哉好景君難見觀日出荀輿一徑下
峰巒歸去花閒露未乾急續昨宵吟剩稿雲箋寫出寄
君看

次弟婦方幼琴珍偕遊燕園看桂詩韻

曾共靈山禮梵仙名園同涉更欣然參差竹樹連三徑
縹緲樓臺別一天緩步幾回鏘玉佩清歌何處奏冰絃
輸君慧業前生擅聞木樨香便悟禪

讀梁武帝本紀

古之喪邦例非一大半多由酒與色亦有幼主遇權奸
亦有暗君聽讒愚惜哉梁武皆不然才兼文武孝且賢
休言酒色可致亂生平早斷妻肉緣晚年信佛荒政治
朝夕梵唄宮中宣豆羹糲飯徒自苦素牀葛帳絕可憐
我思奉佛若祈福貴爲天子亦已足若因奉佛欲生天
底事捨身三次贖答書頓首太不堪一億萬錢佛豈貪
有子有孫國不授自成自敗心始甘佛縱慈悲未能語
破碎江山佛難補索蜜不得或佛心欲教嘗徹帝皇苦
荷荷聲中塵夢醒定有慈航來接引君不見西方早降

大光明集卷七
一
眇目僧爲君雪讐滅侯景

冬日感懷

日短拋鍼悶不禁安排筆硯伴愁身中年疎懶渾如老
冬令溫和竟似春節已大雪尚衣一棉手改詩篇還憶舊心驚債
券又添新古云無米難誇巧况我誠非巧婦人

題龔韻琴夫人小影

夫人姓龔氏名鳳珍字韻琴幼讀父書長嫺
姆教明金錯繡擅絕鍼神嚼徵含商雅通琴
理莊姝者其容純穆者其性當夫千金受聘
一車塵宵品茶堂上萬卷紛披寫韻軒中千

函雜沓爾乃雕瓊刻玉鏤雪裁冰臨出花箋
都是銀鈎鐵畫描成粉本無非活色生香古
之人雖仲姬風流易安雅藻不是過也旣而
推尊房老權攝女君則薦五廟之蘋蘩具百
人之藁飫以及泉刀之榘算絲粟之鈎稽莫
不有脊有倫如幾如式洵姬姜之極軌而造
室之大家已蘭耳熟柔嘉面慳邂逅祇此閨
中之隔常興天末之思茲乃辱示璇圖命濡
斑管欽遲旣切鄙陋都忘爰綴俚言并成短
什差幸芳儀可挹認取中年絕艷之人定知

李昉閣集卷一
濃福曾修證來萬古長圓之月

仙袂飄飄迥出塵風鬟霧鬢墨痕新休將弄玉雙成比
此是周南傳裏人

生來冰雪淨聰明更有溫其玉性情此事畫工難畫出
合將詩筆寫平生

庚寅

元旦雨

元辰偏值雨風狂聞道勝常轉自傷情淡只堪梅作伴
一枝相對似啼妝

一冬無雨潤蒼生今日緣何不肯晴料得金烏如我意

迎新怕見世閒情

八日

綵勝無心戴悽悽淚欲零

仙客
生辰

思隨花共發愁比酒難

醒孤坐悲身世閒吟寫性靈劇憐稚子意只記看參星

二月甲子同珽書登觀音閣

昔年曾此一焚香乞得靈籤指示詳

乙酉
年事

今日與君同

頂禮舊情觸我再思量雙修福慧談何易兩字平安望
正長恰愛空山人寂寂未妨清話到斜陽

花朝墨香過我

百花生日美人來手把紅綃共剪裁一朵幽蘭如有意

今朝恰恰待君開

留墨香小住不果惘然有作

離合皆緣莫強求燈前孤坐思悠悠昨宵明月今宵雨
一掬撩人萬種愁

盆蘭一莖雙花作寄珧書

幽蘭性愛藏空谷磁斗移來伴幽獨每到春時一試花
曲房永晝傳芳馥今年花發最精神聯萼還看鬥掾新
絕似美人相並立亭亭玉影倚雙身阿儂憶到紅閨侶
默默看花愁不語花自開成連理枝索居那識人心苦
拈毫欲詠費沈吟家世離騷合賞音一笑向花低囑咐
比肩雖好貴同心

清明後一日隨 家慈掃墓北山卽事

閨中岑寂不知春出郭方知春已深一路菜花黃不了
錯疑大地盡鋪金

筍輿才過報慈橋嵐氣千重拂不消省識西山秀雖好
北山深更絕塵囂

蝴蝶沿山飛紙錢紛紛墮祭趁晴天是誰閒把天桃植
點染春光古墓前

偶因祭掃得身閒不愛看花愛看山無奈斜陽促歸去
吟覓猶繞翠微閒

讀前漢書雜詠

漢高帝
項羽

劉氏本真龍項氏如猛虎并力除暴秦競把關中取英
雄異成敗千古共憐龍門公道心同列本紀篇一事
羨項王虞姬能殉主無力救人彘轉歎漢高祖

韓信

蕭何薦國士為主定四方飛鳥既已盡良弓合自藏功
成不請退見幾輸子房帝患太子弱難制功臣強倘竟
立如意未必加誅亡不見歌大風慷慨泣數行

賈誼

賈生遇吳公弱冠爲博士明主重賢才猶傷不用死謫
遷過湘水自喻弔屈原可惜湘水深忠冤難與言我思
楚懷王豈足漢文比靈均慕君心畢生猶未已

公孫宏

齊人豈多詐順旨約便更明知武帝時廷爭非可行三
公爲布被釣名亦何故節儉由性成終身守寒素郭解
卜式事持論頗得平曲學阿世語甚矣轅固生

雋不疑

昭帝在幼齡霍光不學者人冒衛太子胡難辨真假不
疑叱收縛引述蒯瞶情君臣咸歎賞嘉以經術明我道

不疑才不由於此效觀戒暴公子卽知賢母教

蕭望之

元帝重師儒豈欲殺賢傳懦弱主性成堅剛臣守素望
之倘明哲合追疎廣步若欲表孤忠何不向帝訴輕聽
門下言默默死無忤徒快恭顯心不爲堪猛助

陳湯

陳湯滅郅支奇功誇第一衡顯生忌心苦將微過詰賞
罰在時運功過有重輕與師雖矯制問罪卻正名不見
樓蘭王亦曾殺漢使行刺以示威遠勝傅介子

杜欽

同時兩子夏白別爲小冠諱人詆盲目胡不生忠肝成
帝卽位初說立九女制太后未能用帝終以色斃如何
名達士諂諛附佞臣不敢進直諫王章冤莫伸

谷永

新莽移漢家半由儒者咎杜谷阿於前張孔附於後天
變始起時帝心慮諸舅下詔舉直言直言竟無有不敢
指王鳳但知侵許后從此五侯與谷永罪之首

朱雲

朱雲好節士特發驚人辭身爲一故令欲斬天子師激
烈雖足稱狂妄無可辭卽或竟一死死亦不救時利舌

剛似劔惜哉成逆施未能殺張禹枉勸死望之

呂后

沛公未遇卽相從望氣尋龍患難同何事丈夫憐少子
致將殘忍累中宮

陳后

妒寵翻教寵竟疎百金買賦意何愚君心若箇能長保
試看承恩衛子夫

許后

故劔情深致殞身孝元傷母結新姻無端禍水來消火
災異偏冤失寵人

趙后

占得昭陽寵愛多相傳譚語卻因何漢家史鑑分明在
未見宮中赤鳳歌

京兆眉

京兆才華帝所長有司多事奏閨房畫眉卻遜齊眉好
敝婦終難及孟光

牛衣泣

富貴休忘貧賤情婦言不聽願輕生世閒儘有牛衣泣
幾箇能傳千古名

題何浣碧夫人藕香館詩稿

何遜南朝句最工紅閨才筆繼家風欲知古歙山川秀
都在新詩一卷中

簾垂繡閣晝悵悵春雨如絲寄恨深讀到雨晴春老句

低徊無限惜花心

待得雨晴春又老
集中春雨曲句

難得清才聚一家雙枝彩筆鬪風華連篇疊韻秋棠詠

五色分明姊妹花

女士與令姊吟香各有
秋海棠疊韻詩八章

自歎孤吟意與孤拈毫妨卻繡工夫今朝快把佳篇讀

同調人間未必無

題姚芙初夫人遺詩

蘭閨才調舊知名讀到遺編淚欲傾底事生春一枝筆

寫來都是斷腸聲

倚竹生憐翠袖寒哀絃淒絕不成彈傷心最是春陰曲

正賞花時興已闌

卽用卷
中句

容易穠華委逝波三生有恨可如何何須病到沈絲日

始覺詩中惡識多

詩多惡識防真應病到沈
絲莫問醫卷中病危句也

造物由來每忌才如君早世劇堪哀空留一卷瑤華在

新詠他年補玉臺

晤方叔芷

若蘅

夫人知佩珊夫人已於去歲卽

世檢閱其所貽詩札愴然有作

浮生聚散等搏沙驚聽紅閨失大家我感深情思往事

傾心不獨仰才華

相親三日許聯盟一別堪憐竟隔生燈下重將遺墨展
數行清淚爲君傾

海內才名重玉臺才能憎命不須猜精魂若再臨塵世

須要雙修福慧來

佩珊貧而無子
晚年窘况殊甚

觀吳竹橋太史家藏王元章墨梅長卷漫題

高人生有梅花骨愛把梅花寫竒崛胸中更藏兵十萬
縱橫掃出梅龍活千秋畫梅獨擅場絕技合號梅花王
此卷天矯尤非常冰天雪海何茫茫十丈鵝溪聯一幅
寫遍瓊英香萬斛幾株挺勁清而臞幾株疎古繚而曲

千枝萬枝意態全一花一蘂精神足夙聞梅花一卷樓
今見畫圖快所欲作詩品題儂豈敢聊復拈毫誌眼福

題叔芷夫人採芝圖

生綃一幅天仙影疑是昌容懿真等豈知命婦列崇班
舊日東方千騎騁雪泥回首認涪江曾向東川弭節雙
青石嶺邊停繡幃白嵯山下擁油幢高懷迴絕忘華貴
不肯尋常圖蔽佩位業真靈畫意傳分明往事瑤清記
御風而行何縹緲一帶仙山似蓬島煙鋤挑得小筠籠
滿貯琪花與瑤草看君仙骨自珊珊不獨生來福慧全
定有華芝生五色待君服食作飛仙

長至夜懷珖書

每逢佳節感離居料得君情亦我如酒入愁腸釀成淚
挑燈三復寄來書

俗呼今日四離名愁緒何堪觸處生一棧樓頭岑寂况
聽風聲又聽更聲

讀王素卿夫人韻梅問月樓遺稿

流水高山絕調琴難從塵海覓知音憐君易醒炊梁夢
贏得人傳問月吟

詞工漱玉語瓏玲詠絮人人仰謝庭我是幽蘭處空谷
吟聲只許素娥聽

兩小姑與全兒友松女甥於繡囊清閣中讀詩

作字頗有逸致口占一絕

一樹梅臨清閣漫天風雪影瓏玲小姑弄筆兒尋句
風景依稀似謝庭

十二月二十七日作

今歲兩逢春一冬無雨雪深慮麥苗枯祈雪苦無術一
從迎春來雨雪竟不止莫非滕六神誤認相迎矣農家
因久旱雪多尚不愁閨中岑寂人日鎖雙眉頭歲底百
事集求人呼奈何匱中資已盡意外需偏多獨坐細思
量百事無一可但休我負人寧使人負我看他小兒女

楚畹閣集卷八
無愁只知歡先嘗百葉酒預備五辛盤回憶我幼時癡
情亦如此阿母雖不貧事煩勝我耳今之念疇昔猶後
之念今光陰似流水當存愛日心人生縱壽考年總不
過百且勿多憂愁古今皆過客

楚畹閣集卷八

常熟 季蘭韻 湘娟

古今體詩八

辛卯

正月初七日先夫子四十生辰

悲君今年尙強仕棄妾已將廿載矣縱使泉臺鑒妾心
妾心終恨不同死立孤難死節易古人之言妾常記慷
慨捐軀一日情從容盡義終身事死節易立孤難孤兒
成立妾志完兒年舞象苦無識浪浪妾淚何時乾嗚呼
作歌兮歌當哭柔腸欲斷兮句難續

雨雨風風春光過半小樓獨坐有懷墨香

風雨作春陰渾忘春已深倦常拋一卷寒慣戀重衾花
有銷魂色鶯無出谷心懷人情正切遣興只孤吟

讀小倉山房詩集

千古奇才士輸公福壽全登朝欣弱冠解組樂中年政
績推循吏詩文比謫仙他年青史上佳傳合雙編

讀聰娘墓誌

專房名重廿餘春同穴尤明主愛真一息依然容絕代
漢宮愧煞李夫人

繡觀音旛

刀尺蘸鹽現在身淨因不昧軟紅塵也知露電光陰速
願作慈雲座下人

朝朝一度拜蓮臺爲祝平安兩字來讀到梵經微妙義
悟他無鏡自無埃

難覓奇花供法王人間草木總尋常瓣香卻帶湘蘭氣
好配優曇自在香

大千世界轉金輪多少金閨善女身福慧雙修堪滿願
千秋只有管夫人

千張貝葉繡家家看遍羣芳爛若霞儂作巴辭呈慧眼
敢誇舌吐妙蓮花

此日鴻泥聚佛前
閨人一一姓名填
他年同上龍華會
若箇相逢證夙緣

三月二十三日重遊燕園

舊遊曾記木樨天
乘興重來已二年
金碧樓臺加翰墨

神仙眷屬粲嬋娟

園有三嬋娟室前
次來遊眷屬未歸

竹枝畧比前番長

花色還誇此次妍
最愛繁華無俗韻
園林終仗主人傳

燕園晤申林夫人
謂余神似文瑛
余與文瑛情

若同胞別將廿載聞
夫人之言感懷疇昔漫

成一律以表離懷

喜到名園會列仙
殷殷雅意荷相憐
道儂中表神渾似

惹我相思淚欲漣
十五年餘書問杳
三千里外夢竟牽

賞詩閣上哦詩句
閱到簪花倍惘然

賞詩閣內有姊錄
花蘂夫人宮詞便

面

遊吳氏外園次首戲墨香

卻喜仙園一水通
風光不與內園同

吳氏內園繁
華外園淡雅竹籬

茅舍無塵迹直把繁華一洗空

於此閒居事事宜
私心竊笑采鸞非
如何只愛書唐韻

捨卻瑤清竟不歸

一角園口占

結伴名園處處遊
此閒風景最清幽
地分一角青山好

人仰千秋碧血留

前楹係前明蔣忠烈公神祠

樹石蕭疎傳畫意樓

臺高曠豁吟眸幾多宦海風波客清福終須讓蔣侯

讀畫

晴日高樓坐焚香一卷橫禪原看有派詩愛玩無聲變
化長康感風流文敏情廚空人亦逝回首總淒清

理琴

素不耽絲竹平生愛撫琴賞心乘月夜橫膝坐松陰縹
緲空山意悠揚太古音曲終塵籟絕餘興發清吟

評花

十客與諸友論花如論人推排衆香國詮次化工春獨
得清華氣兼傳淡遠神素心蘭一朵結契伴閒身

品茗

一縷裊茶煙閒窗試雨前松濤心愛聽荷露手親煎雀
舌香堪賞龍團色亦鮮君謨與鴻漸經錄不虛傳

雨窗雜感

梅雨連朝晝掩門遣愁無計暗銷魂酒杯未舉心先醉
書卷頻繙日漸昏雙淚須逢知己落孤懷難向俗人論
楞嚴學課偏稀悟自恨生來帶鈍根

長夏無聊雜憶史事得十二首

子產寬猛之政

子產論治民貴以威猛施水柔人共玩火烈民畏之仲尼聞此言歎爲古遺愛發明子產心本非剛忍輩畢竟聖賢辭讀者須善領有德始可寬存仁方可猛

程嬰立孤而死

同心報宣孟杵臼與程嬰死雖有遲早功則無重輕杵臼不先死孤兒安可生程嬰不苟活杵臼志豈成趙武旣成立程嬰必須死昔日之假孤咸知趙氏子假者可作真真亦可假耳晉侯一生疑卽死已晚矣事成急捐軀忠心保終始豈爲溝瀆經匹夫匹婦比

趙簡子立後

簡子欲立後手書訓誡辭二子各授簡三年而問之我思簡子意此舉誠有私廢長以立幼恐爲臣下疑無恤早窺破謹記常袖隨一朝繼嗣定父沒心便移殺姪併其地豈復遵訓詞伯魯胡不智曹曹無所知

吳起殺妻求將

殺妻以求將無乃太不情先棄真骨月冀換虛功名李克曾有言起貪而好色或者妻貌醜兼或性妒嫉起固欲殺之陰謀蓄已久適當齊用兵一朝可假手用以詐魯人人皆信爲真豈有好色子反爲情外人

項王東鄉坐王陵之母

挾親以脅子項羽何其癡已既乏仁義人豈有孝思漢
王不顧父猶忍言分羹陵也敢念母徒傷賢母情爭知
巾幗中竟有縮高輩伏劔語使人千秋名不昧

漢高帝斬丁公

千金求季布夙怨烏肯容賴以滕公言亦如雍齒封丁
固負項王斬之快人意然知高祖心必爲彭城事報怨
不賞功託辭佞臣棄兩賢豈相戾大度已忘記

東方朔諫內董偃置酒宣室

上書數萬言先生本奇士不得爲大臣臣朔飢欲死何
物賣珠兒輕許入宣室頓使詎諸人一朝見風骨辟戟
數三罪爲君正國家偃寵由此衰片言功無涯朔才相
如等朔直汲黯齊如何太史公冤之爲滑稽

京房考功課吏法

京房考功法其意在石顯使之難弄權賢愚確有辨帝
心重災異藉此爲進辭舉朝嫌煩碎奸黨意可知旋遣
別郡行奇才難展施亡身竟以道延壽誠明師

光武

天意未忘劉白水真人起未必中興功不如開創美沛
公定暴秦所餘一強楚蕭王克新莽餘賊不勝數掃除
四海淨君臣慶昇平常懷河北難麥飯重酬情麗華掌

楚陽尤爲快心事非忍負糟糠人
筵前車記人生貴適
志何況居帝王我道光武福終究勝高皇

嚴光

咄咄嚴子陵名心終未冷若不披羊裘物色人豈省君
房意縱厚天子恩或輕區區諫議官難動故人情不能
遂所欲轉白巢由稱未聞巢與由肯就堯帝徵占得富
春山始甘作漁父東漢有限年嚴陵瀨萬古

馬援不入雲臺

雲臺畫功臣馬援獨不列謂遠親親嫌前賢議多別我
思麟閣勲蘇武名在末或藉服匈奴特將武也屈明帝
仿此意因不及伏波以威示塞外中國人材多史臣彰
帝賢書避椒房戚枉卻將軍心裏尸甘馬革

左雄限年之法

奇哉左雄言孝廉限年齒四十而不惑始許出爲仕後
詰徐淑語荒唐尤不經太守坐謬舉此法豈持平順帝
不加斥竟勅天下行乃知章和後朝政無可評

雨中至西莊水窗卽事

今年春雨多夏雨何更急爲念同胞人不辭泛蘭楫阿
妹知我來扶病喜相接謂我此閒景君觀必心愜攜我
倚水窗清波豁雙睫稚子捉游魚小鬟弄萍葉蝦蟇書

閣鳴蜻蜒釣絲立隔岸有人家一縷炊煙濕望之果神
怡畫意吟情集天作無聲詩直把大癡壓縱使有丹青
妙繪誰能及可惜好青山全爲雲霧闔

七夕大雨口占

幾見仙靈果渡河洗車雨降卻偏多今年農已愁荒稻

損木棉花更奈何

諺云七夕
雨壞棉花

秋宵聽雨寄珽書

燈昏閒擁髻長夜雨泠泠小閣愁難訴高樓夢定醒欲
吟添悵惘不寐也忪惺未識今生裏能同幾度聽

晉書雜詠

殺君篡國皆成例天意如教漢雪讐風痺辭官初志見
身雖事魏忍忘劉

三馬同槽夢竟真雄豪大志豈人臣老瞞多詐丕多忌
偏不猜疑狼顧人

修文偃武性英明伐蜀平吳一統成不聽勗言婚賈女
外寧未必內憂生

謠同尺布劇堪羞始儉終奢起禍由要納如花五千女
何須焚卻雉頭裘

天降癡龍敗帝家民情不問問蝦蟆身亡國破雖由數
冊立終應咎阿耶

掇蜂斃犬前朝有狐媚偏奇短黑人酒棗相投金屑報
天教假手趙王倫

執蓋行觴辱九重一般都是可憐蟲回思成濟抽戈事
今日劉聰昔賈充

秦皇原是不韋兒事出天心那得知鳩殺牛金了無益
九泉還恐笑君癡

聞話前朝面覆床自知國祚豈能長假將心膂推敦導
生小聰明弱制強

環城紅日賊能知物色黃鬚五騎馳不是一鞭留七寶
巴滇駿馬也愁遲

政令紛紛出渭陽臣強君幼賊猖狂憐他亂定還宮日
解問元規白髮王

邱山傾後女星明廿載怱怱三帝更詫絕海西遭廢黜
分明三字獄同情

清心寡欲愛元虛鼓角聲喧意湛如能服奸雄猶自懼
常將昌邑記前車

酒祝長星萬念空生前死後總朦朧貴人暴怒君王殞
漢代昭儀事可同

晉盡昌明語不誣安恭二帝有如無廿年一綫延司馬
此座甘心讓寄奴

射馬真成國不祥
斬蛇人太薄
降王劇憐禪
詔欣然寫
不及陳留壽命長

婦稚皆知孝行名
親亡出仕效忠貞
全家高義由天授

王覽何曾弱阿兄
王祥

輕裘緩帶鎮軍中
德化吳人盡服公
不舉阿童成大計

已看四帝晉朝終
羊祜

金環舊事記生前
折臂三公相果然
對景漫嗟湮滅易

峴山終究藉公傳
前題

持節監軍伐蜀行
因鍾殺鄧太無名
笑君命報江由辱

榮晦他年亦報明
衛瓘

明珠美玉比丰神
能識將軍是佞臣
看殺不曾車載果

須知叔寶勝安仁
衛玠

彌縫閭虐盡忠心
諷后徒成女史箴
輸與鷓鴣身世好

一枝棲穩在深林
張華

底須誇富鬪珊瑚
金谷難藏一顆珠
看到墜樓拌一死

美人端不負齊奴
石崇

板輿奉母樂閒居
何苦奸謀構適書
媚賈欲求為巧宦

巧翻成拙信非虛
潘岳

不伐居然孟側同
遲留託疾性謙冲
笑他渾濬皆瓶磬

一自矜功一忌功
唐彬

未學孫吳善論兵名言卽是晉長城君王稱賞偏難用
大好江山致亂生

山濤

一世龍門世所傾寧馨兒果誤蒼生臨危自說元虛害
不到排牆心不明

王衍

八千降卒盡沈江平子狂爲取滅亡三窟營成兄弟殺
自全計反自相傷

王澄

苦計求回刺史腸灸眉招鼻總尋常片言奪得將軍地
始信朱雲直不狂

郭舒

負他天子欲求親一醉昏昏竟六旬濟世才華甘自棄
還將白眼視他人

阮藉

睚眦小怨致遭刑日影將西恨不勝一曲廣陵從此絕
世閒最惡是青蠅

嵇康

三枝玉樹秀江東一旦摧殘在洛中能使成都誅孟玖
王澄到底是英雄

陸機

枕戈志在效忠貞還恐功名後祖生惜有壯懷無壯畧
寶刀殺賊事難成

劉琨

慷慨中流擊楫時掃清豺虎誓江辭布囊盛土如增竈
成敗英雄那得知

祖逖

未平外寇內生憂可奈妖星照豫州如此奇才勲莫遂
千秋遺恨大江流

前題

表揚忠孝賞功勲意不私親服衆軍識得士行堪自繼
我言器量不如君

劉弘

竹頭木屑盡收藏想見天生鄙吝腸不是義旗迴指語
將軍未必竟勤王

陶侃

江左忠君第一人絕裾永訣最銷魂如何晉室重興後

竟不追思罔極恩

溫嶠

祖父忠良子佞臣嘉賓竟作幕中賓一箱儻不留身後
不但欺君更棄親

郗超

以恩報怨世稱冤我獨平心論事端賊不殺仁仁自殺
留爲酒誡後人看

周顛

雖有忠心著一時滅親大義幾曾思天如不促王敦死

晉祚存亡未可知

王導

博學高才伎術俱死生有命信非虛銜刀被髮誠何益
誤爾青囊九卷書

郭璞

空函怪事有先幾終日書空笑太奇阿父浮沈人致簡

循環天道報還宜

殷浩

從容賭墅阻奸謀報捷書來局未收幸有芝蘭佳子弟

東山方不愧清流

謝安

如何史筆曲如弓端爲私讐記卧龍佳傳索人千斛米

不知曹氏底酬公

陳壽

蜀平晉始繼炎劉閏位當塗勢不侔良史自成三國志

讓君直筆作春秋

習鑿齒

義旗一舉克三城握節無慚蘇子卿衆口漫稱才似舅

牢之應愧不如甥

何無忌

從來忠孝兩全難莫報親讐臣節完碧血丹心同一色

官家珍重御袍看

嵇紹

身如沮溺技如神能使公間喜不嗔歌出江鄉忠孝事

吳兒天下有心人

夏統

五株楊柳一張琴解綬歸來逸趣深五斗折腰聊藉口

閒雲出岫本無心

陶潛

送珽書歸後感成

聚時不知樂離合總隨緣別後偏愁絕思之盡惘然夢
如潮有信心厭月重圓孤況應相似憐君更自憐

見孤雁有感

煙淡月微明無言百感并樓頭人獨倚天外雁孤鳴隻
影誰相伴單飛更遠征稻梁如我累增繳替伊驚木落
霜嚴候山遙水阻程防弓須斂迹依渚要吞聲蹋雪留
蹤杳邀雲作隊行華堂曾禮奠莫把羽毛輕

題姚靜儀夫人伴雲詩稿

古來寫韻人多少賦茗吟椒各擅場老筆如君卻難得

分明妝閣魯靈光

苦心刻玉與雕瓊梅雪梨雲好句成更愛一庭新月裏

詩情花影鬪雙清

集中詠水仙花云豈共梨雲爭雅淡許同梅雪鬪清新偶成云一庭新月

浸梅花皆

清絕可誦

當年女伴北宮兒是我垂髫課字師讀到暮雲春樹句

不堪回首楚江時

集中送若韞趙姊楚江之游云春樹暮雲情脈脈時若韞師正授余讀也

珠玉生涯一卷存不須惆悵少兒孫瓣香留得千秋永

勝似遺書付後昆

把酒

把酒歡情少捫心感慨多詩書消寂寞志願歎蹉跎萬

事甘人讓三生奈命何數聲聞斷雁如和我悲歌

寒夜曲寄珧書

寒夜月離愁澗寒夜雨離情苦今夕何夕雨泠泠欲眠
不眠敲枕聽一燈昏黯飢鼠出全家熟睡我獨醒忽聞
浩浩北風起巷柝無聲雨亦止遙憶高樓人夢回也應
輾轉愁難已

憶梅

次礪之弟韻

底事羅浮芳訊遲累人苦作憶梅詩空山曾夢到深處
明月卻看如舊時高格千秋誰作伴寒香一院最相思
憑將翠羽傳消息速遣瓊英發故枝

畫梅

畫到寒梅歲正寒
收羅香雪入毫端
幾株玉影描摹易
一片冰心刻畫難
每怪騷經遺卻賦
雅宜筠管寫來看
卷中增得南枝壽
常見花開不見殘

